



KERATAN AKHBAR



JABATAN KEHAKIMAN SYARIAH MALAYSIA, BLOK C, KOMPLEKS ISLAM PUTRAJAYA
NO. 20 JALAN TUNKU ABDUL RAHMAN, PRESINT 3, 62100 PUTRAJAYA

AKHBAR	SUBJEK	TARIKH
☐ BERITA HARIAN ☐ UTUSAN MALAYSIA ☐ HARIAN METRO ☐ NEW STRAITS TIMES ☐ THE STAR	☐ KAHWIN & CERAI ☐ TUNTUTAN ☐ AKIDAH ☐ JENAYAH SYARIAH ☒ PELBAGAI	19/11/2023
METRO AHAD	CATATAN	

Segerakan jawatankuasa kaji kompetensi Dun gubal undang-undang Islam

Shah Alam: Majlis Agama Islam Selangor (Mais) menggesa Kerajaan Persekutuan menegerakan penubuhan jawatankuasa khas bagi membuat kajian mengenai kompetensi Dewan Undangan Negeri (Dun) untuk menggubal undang-undang Islam dalam kerangka yang ditetapkan oleh Perlembagaan Persekutuan.

Pengerusi Mais Tan Sri Abdul Aziz Mohd Yusof turut mencadangkan agar Kerajaan Persekutuan melakukan pindaan terhadap Perlembagaan Persekutuan dan Akta 355 berkaitan dengan bidang kuasa jenayah syariah negeri.

Katanya, Mais turut bimbang berhubung gerakan pihak tertentu yang secara halus cuba menjejaskan kedudukan agama Islam sebagai agama negeri dan agama persekutuan melalui proses litigasi mahkamah.

"Ini termasuk memper-tikai bidang kuasa negeri dalam menggubal perun-

tukan undang-undang Islam yang kebanyakannya adalah kelestarian daripada undang-undang yang diamal dan dikuatkuasakan di negeri-negeri di Malaysia sebelum pembentukan Perlembagaan Persekutuan.

"Merujuk kepada kes Nik Elin yang memohon Mahkamah Persekutuan membatalkan 20 peruntukan dalam Enakmen Kanun Jenayah Syariah Kelantan 2019, Mais menghormati prosiding mahkamah yang sedang berjalan dan kuasa Mahkamah Persekutuan dalam memutuskan perkara berkaitan pentadbiran keadilan.

"Namun, Mais berpendirian bahawa tindakan segera perlu diambil untuk mengelak pertikaian seperti kes Iki Putra dan kes Nik Elin ini berlaku lagi pada masa akan datang kerana pertikaian seperti ini hanya akan menjejaskan kuasa negeri berhubung dengan agama Islam," katanya dalam satu kenyataan.